

## Üna bes-cha raquinta da sia vita

Ün di giaiva ün vent ferm. Eau d'he chatto zieva ün pêr uras ün cuvel.

Eau sun ieu aint. Staungel mort am d'heja miss culs peis insü è'l cho ingiò a durmir.

Eau d'he ün pô temma. Tuot in üna vouta vezzi sumbrivas vi da la paraid. Ögls mellans am fissan. Alura sun gnidas sün me figüras. A sun gnidas adüna pü daspera. Eau d'he trat ün vaira sagl. Quellas figüras sun sgrischaivlas. Eau trembl fich ferm. Che dal dianzer saregia que be? Am vögliane maglier? U be am spavanter? Schi, propi monsters e che vieras cha faun. Mieu corp trembla adüna dapü. Alura odi üna rumur *uuuuuuuhhhhhhhhhhhhhuuuuu.*

Eau svoul per nu perder mia vita. Ou na, eau vegn a'm perder. Inua suni?

Eau stögl svuler inavous tar quistas figüras. Cun tuot mias forzas sun eau svulo inavous. La figüra d'eira darcho davent, per furtüna! Eau sun svulo la güsta via ed alura d'eiri cuour. Lo nu d'eira pü ün vent ferm. Per furtüna, perche cha uossa poss eau svuler inavous tar mieu cuvel inua ch'eau stun. Lo es que fich bel e mieus amihs spettan ch'eau tuorn. Nus vains fat pachific.

Alura d'he eau quinto a mieus amihs che aventüra ch'eau vaiva. Eau d'he quinto e quinto fin la bunura ed alura essans indrumanzos. Il di zieva sun eau sto sü e m'he do da buonder che cha que d'eira per üna figüra. Da spür buonder sun eau svulo inavous tar quel cuvel. Eau vulaiva savair che figüra cha que d'eira. Eau sun svulo aint il cuvel. La figüra nun eira lo. Tuot in üna vouta d'he eau vis qualchosa alv davous ün crap. Eau sun svulo no tuot luotin. Cur ch'eau d'eira fich dasper, d'he eau vis cha que d'eira ün spiert! Eau sun ieu darcho pü dalöntschi davent dal spiert e d'he fat üna granda sumbriva – il spiert ho trat ün sagl! Il spiert es scappo aint in ün'otra foura dal cuvel. Eau sun darcho ieu a chesa a'm metter cul cho ingiò e culs peis insü a durmir dasper mieus amihs. A me displaschaiva ch'eau d'he fat trer ün sagl al spiert. Il di zieva sun eau turno tal cuvel per tschercher il spiert e sun svulo aint in quella foura dal cuvel. E

propi, lo d'eira il spiert tuot sulet e tuot trist. Eau sun ieu vi e d'he dit: "Vè cun me, eau at muoss inua ch'euo stun." Eau d'he musso al spiert mieu dachesa ed al d'he preschanto mieus amihs. Quels eiran fich surprais. Nus vains durmieu tuots insembel, il spiert per terra e nus cul cho ingiò e'ls peis insü. Daspö lo essans il spiert ed eau buns amihs. Nus vains giuvo minchadi. Ün di essans nus ieus inavous tal cuvel dal spiert. El ho musso am me tuot sieus s-chazis ed eir tuot il cuvel. Que'm paraiva fich bel tar el. Nus vains dafatta durmieu üna vouta aint in sieu cuvel. Eau cul cho ingiò e'ls peis insü e'l spiert aint in sieu let. Il di zieva essans ieus inavous tar mieu cuvel. Nus vains giuvo cun mieus oters amihs a clapper ed ün oter di vains giuvo a zupper. Da gianter daiva que insects cun ova sainza plats. Nus vains eir auncha giuvo aint illa naiv e'l spiert ho fat per nus ün grand pop da naiv. Mieus amihs ed eau nu vains pü gieus lungurus e'l spiert nu d'eira pü sulet.

**Risch Cadonau, 2021**